


淨土法事讚

				漢書門類
		三三九	三三九	
	二九	二九	二九	
二册	架	函	號	類


三〇	三三九	漢書
二册	二九	類
架	函	號
東		



釋家二ノ一

內閣文庫	
番號	漢 3293
冊數	2 ( 1 )
函號	310 85

310-85



轉經行道願往生淨法事讚卷上

沙門善導集記

奉請四天王直入道場中

奉請師子王師子亦難逢




奮身毛衣衆魔退散去

迴頭請法師直取涅槃城

序曰

竊以娑婆廣大火宅無邊六道周居重昏永

夜生盲無目惠照未期引導無方俱摧死地



310.55

循環來去等逝水長流託命投神誰之能救  
斯乃識含無際窮塵之劫更踰自尔悠悠遇  
勝緣之何日上從海德初際如來乃至今時  
釋迦諸佛皆乘弘誓悲智雙行不捨含情三  
輪普化然我無明障重佛出不逢設使同生  
還如覆器神光等照不簡四生慈及無偏皆  
資法潤雖沉法水長劫由頑苦集相因毒火  
臨時還發仰惟大悲恩重等潤身田智惠冥  
加道芽增長慈悲方便視教隨真勸念弥陀

歸乎淨土地則眾珍雜間光色競輝德水澄  
華玲瓏影徹寶樓重接等輝神光林樹垂瓔  
風塵雅曲華臺嚴瑩種種希奇聖眾同居明  
踰千日身則紫金之色相好儼然進止往來  
乘空無礙若論依報則超絕十方地上虛空  
等皆無異他方凡聖乘願往來到彼無殊齊  
同不退但以如來善巧揔勸四生棄此娑婆  
竹生極樂專稱名号兼誦彌陀經欲令識彼  
莊嚴斯苦事三因五念畢命為期正助四

修則利那無間迴斯功業普備含靈壽盡乘  
 臺齊臨彼國凡欲為自欲為他立道場者先  
 須嚴飭堂舍安置尊像幡華竟眾等無問多  
 少盡令洗浴著淨衣入道場聽法若欲召請  
 人及和讚者盡立大眾令坐使一人先須燒  
 香散華周幣一遍竟然後依法作聲召請云  
 般舟三昧樂 願往生 大眾同心 狀三界 無量樂  
 般舟三昧樂 願往生 三塗永絕願無名 無量樂  
 三界火宅難居止 願往生 乘佛願力往西方 無量樂

般舟三昧樂 願往生 念報慈恩常頂戴 無量樂  
 大眾持華恭敬立 願往生 先請弥陀入道場 無量樂  
 般舟三昧樂 願往生 不違弘願應時迎 無量樂  
 觀音執至塵沙眾 願往生 從佛乘華來入會 無量樂  
 般舟三昧樂 願往生 觀音接手入華臺 無量樂  
 無勝莊嚴釋迦佛 願往生 受我微心入道場 無量樂  
 般舟三昧樂 願往生 碎身慙謝釋迦恩 無量樂  
 彼國莊嚴大海眾 願往生 從佛乘華來入會 無量樂  
 般舟三昧樂 願往生 助佛神化度眾生 無量樂

信願上

十方恒沙佛舒舌願往生

般舟三昧樂願往生

慙愧恒沙大悲心願往生

般舟三昧樂願往生

一如來大海衆願往生

般舟三昧樂願往生

佛使二十五菩薩願往生

般舟三昧樂願往生

佛恐衆生四魔障願往生

證我凡夫生安樂無量樂

悲心利物大悲心無量樂

受我微心入道場無量樂

專心淨土佛前期無量樂

從佛乘華來入會無量樂

盡是往生增上緣無量樂

一切時來常護念無量樂

畢命直入涅槃城無量樂

沫至極樂隨三塗無量樂

般舟三昧樂願往生

我今衆等深慙謝願往生

般舟三昧樂願往生

本國彌陀諸聖衆願往生

般舟三昧樂願往生

衆等頂禮彌陀會願往生

般舟三昧樂願往生

對佛彌陀涅槃會願往生

般舟三昧樂願往生

直心實行佛迎來無量樂

受我微心來入會無量樂

心心專注出娑婆無量樂

平等俱來坐道場無量樂

道場聖衆實難逢無量樂

普散香華同供養無量樂

弥陀光攝往生人無量樂

各發誓願請華臺無量樂

極樂莊嚴門盡開無量樂

般舟三昧樂 願往生

專心念佛坐華臺 無量樂

般舟三昧樂 願往生

乘華直入不須疑 無量樂

衆等齊心請高座 往生樂

愍懃智影說算經 往生樂

難思議 往生樂

雙樹林下 往生樂

難思 往生樂

道場時逢難叵遇 往生樂

無常迅速命難停 往生樂

難思議 往生樂

雙樹林下 往生樂

難思 往生樂

眼前業道人入見 往生樂

皆由二毒作因緣 往生樂

難思議 往生樂

雙樹林下 往生樂

難思 往生樂

雖得人身常闇鈍 往生樂

貪瞋邪見轉專專 往生樂

難思議 往生樂

雙樹林下 往生樂

難思 往生樂

日夜惛惛不醒悟 往生樂

還是流浪三塗因 往生樂

難思議 往生樂

雙樹林下 往生樂

難思 往生樂

忽爾輪迴長劫苦 往生樂

彌陀淨土何時聞 往生樂

難思議 往生樂

雙樹林下 往生樂

難思 往生樂

大衆同心請高座 往生樂

為度群生轉法輪 往生樂

難思議 往生樂

雙樹林下 往生樂

難思 往生樂

衆等傾心樂聞法 往生樂

手執香華常供養 往生樂

難思議 往生樂

雙樹林下 往生樂

難思 往生樂

道場大衆裏相與至心敬禮 南無常住佛  
道場大衆裏相與至心敬禮 南無常住法  
道場大衆裏相與至心敬禮 南無常住僧  
敬白道場衆等各各斂心彈指合掌叩頭歸  
命禮本師釋迦佛過現未來諸世尊所以歸  
依佛者佛是衆生大慈悲父亦是出世增上  
良緣計其恩德過於塵劫述之難盡賢愚經  
言一二諸佛從初發意終至菩提專心求法  
不願身財悲智雙行曾無退念或可逢人逼

華嚴經

卷

第

十

試皮肉分張或自割身而延鵠命或捨千頭  
以求法或釘千釘而求四句或刺身血以濟  
夜叉或捨妻子以充羅刹或設慈悲方便化  
作禽魚用濟蒼生洗其飢難或作金毛師子  
以上獵師或作白鳥抽牙爲求菩提而奉施  
或觀怨家由如赤子或現外道比若親兒彼  
我無殊聖凡何異三祇起行皆向無漏相應  
地地收功始得果圓号拂身則闍浮金光色  
日競暉相好分明譬若衆星夜朗跏趺

華嚴經

卷

第

十

坐不背之相圓明法界同歸各觀如來面  
相身心湛寂化用不失時機隨類變通報躰  
則元來不動但以如來智德嘆之難盡道場  
衆等各生慚謝之心能供諸佛爲我捨身過  
於塵劫哀哉世尊能爲難事長劫勤勤忍疲  
勞之苦痛雖復爲生苦行不見小恩望欲等  
出塵勞會菩提而歸彼岸衆等齊心爲今施  
主某甲等奉請十方諸佛一切世尊弟子等  
敬尋諸佛境界唯佛能知國土精華非凡所

測三身化用皆立淨土以導群生法躰無殊  
有識歸之得悟但爲凡夫亂想寄託無由故  
使釋迦諸佛不捨慈悲直指西方十萬億刹  
國名極樂佛号彌陀現在說法其國清淨具  
四德莊嚴永絕譏嫌等無憂惱人天善惡皆  
得往生到彼無殊齊同不退何意然者乃由  
彌陀因地世饒王佛所捨位出家即起悲智  
之心廣弘四十八願以佛願力五逆之與十  
惡罪滅得生謗法闍提迴心皆往復因韋提



請指捨婆念念無遺決定求生極樂如  
 來因其請故即說定散兩門三福九章廣作  
 未聞之益十方恒沙諸佛共讚釋迦舒舌遍  
 覆三千證得往生非謬如是等諸佛世尊不  
 捨慈悲受今施主某甲及衆生請入此道場  
 證明功德奉請已今勸衆生等各各斂心歸  
 依合掌  
 下座接高讚云  
 願往生願往生衆等咸歸命本師釋迦佛十

方世界諸如來願受施主衆生請不捨慈悲  
 入道場證明功德滅諸罪迴心一念見弥陀  
 衆等身心皆踊躍手執香華常供養  
 高接下讚云  
 高接下請召云  
 重白道場大衆等各各斂心彈指合掌叩頭  
 一心歸命為今施主及衆生次當奉請十方  
 法界諸佛所說修多羅藏八万四千又請全  
 身散身舍利等唯願放大神光入此道場證  
 明功德又請十方聲聞緣覺得道聖人唯願

不捨慈悲現大神通入此道場證明功德又  
當奉請諸菩薩眾普賢文殊觀音勢至等唯  
願不捨慈悲滿眾生願入此道場證明功德  
所以歸依奉請者此諸菩薩從初發意乃至  
菩提常行平等接引無偏自利利他無時暫  
息常以法音覺諸世間光明普照無量佛土  
一切世界六種震動搥搗魔界動魔宮殿搗  
裂邪網消滅諸見散諸塵勞壞諸欲塹開闡  
法門顯明清白光融佛法宣流正化常作不

染身口意業常行不退身口意業常行不動  
身口意業常行讚嘆身口意業常行清淨身  
口意業常行離惱身口意業常行智惠身口  
意業覺悟成就定惠成就此諸菩薩常為諸  
天龍八部人王梵王等守護恭敬供養一切  
眾生為救為歸為明為尊為勝為上具無量  
行願多所饒益安穩天人利益一切遊步十  
方行權方便入佛法藏究竟彼岸智惠聖明  
不可思議轉佛法輪成就如來一切種智於

一切法悉得自在如是等菩薩大士不可稱  
計唯願不捨慈悲受眾生請一時來會入此  
道場為今施主某甲證明功德今勸道場眾  
等人等斂心歸依合掌禮  
下接高讚云

願往生願往生眾等希聞諸佛法龍宮八萬  
四千藏已施神光入道場證明功德復滿願  
因茲離苦見彌陀法界含靈亦除障我等身  
心皆踊躍手執香華常供養

高接下讚云

願往生願往生龍宮經藏如恒沙十方佛法  
復過是我今標心普告請放大神光入道場  
證明功德復除罪增長施主菩提芽眾等各  
各齊心念手執香華常供養

下接高讚云

願往生願往生今日道場難得遇無上佛法  
亦難聞畢命形枯斷諸惡從是念念罪皆除  
六根得了得惺悟戒定慈悲捨不虛眾等身

心皆踊躍手執香華常供養

高接下讚云 下接高讚云

願往生願往生久住娑婆常沒沒三惡四趣  
盡皆停被毛戴角受眾苦未曾聞見聖人名  
憶此疲勞長劫事捨願捨命見彌陀眾等身  
心皆踊躍手執香華常供養

高接下讚云

願往坐願往生眾等咸歸命今為施主及眾  
生已請十方方法界全身舍利碎躰金剛物利

隨宜分形影赴雖復形分大小神化一種無

殊大則類同山岳小則比若芥塵畢命真誠

齊心供養近則人天獲報富樂長劫隨身遠

則淨土無生剋果則涅槃之常樂又願道場

眾等各各齊心手執香華常供養

下接高讚云

願往生願往生真身舍利隨大小見聞歡喜  
修供養自作善根他人福一切合集皆迴向  
晝夜精勤不敢退專心決定見彌陀眾等身

心皆踊躍手執香華常供養

高接下讚云

願往生願往生普賢文殊弘誓願十方佛子  
皆亦然一念分身遍六道隨機化度斷因緣  
願我生生得親近圍繞聽法悟真門永拔無  
明生死業擔作彌陀淨土人眾等各各齊身  
心手執香華常供養

下接高讚云

願往生願往生十方菩薩大慈悲不惜身命

度眾生六道分身隨類現為說妙法證無生  
無生淨土隨人入廣大寬平無比量四種威  
律常見佛法侶將入寶堂眾等身心皆踊  
躍手執香華常供養

下接高讚云

高接下讚云

願往生願往生為今施主及眾生奉請賢聖  
入道場證明功德修供養三毒煩惱因茲滅  
無明黑闇罪皆除願我生生值諸佛念念修  
道至無餘迴此今生功德業當來畢定在金

渠眾等各各齊身心手執香華常供養  
下接高讚云

願往生願往生菩薩聖眾身雖別慈悲智慧  
等無殊不惜身財求妙法難行苦行未曾休  
捨到菩提登彼岸放大慈光度有流有流眾  
生我身是乘光畢命入西方眾等身心皆踊  
躍手執香華常供養

高讚云  
願往生願往生為今施主皆已請十方諸佛

入道場龍宮法藏真舍利已放神光入道場  
羅漢支通自在一念乘華入道場普賢文  
殊諸菩薩一切俱來入道場是諸聖眾如雲  
集地上虛空難可量各坐蓮華百寶座證明  
功德放慈光如此聖眾難逢遇同時發願入  
西方眾等齊心皆踊躍手執香華常供養  
請觀世音讚云

奏請觀世音散華樂  
慈悲降道場散華樂  
斂容空裏現散華樂  
忿怒伏魔王散華樂

騰身振法鼓散華樂

勇猛現威光散華樂

手中香色乳散華樂

脣際白毫光散華樂

寶蓋隨身轉散華樂

蓮華逐步散華樂

池迴八味水散華樂

華分戒定香散華樂

飢飡九定食散華樂

渴飲四禪漿散華樂

西方七寶樹散華樂

聲韻合宮商散華樂

枝中明實相散華樂

葉外現無常散華樂

願捨憍浮報散華樂

發願入西方散華樂

高接下請香華云

重白道場衆等各各斂心彈指合掌叩頭標

心願今為施主某甲等奉請十方方法界人

天凡聖水陸虛空一切香華音樂光明寶藏

香山香衣香樹香林香水入此道場又

請一切寶樹寶林寶衣寶池寶水寶幢寶蓋

寶華寶網寶樓寶閣入此道場又請一切華

林華樹華幢華蓋華樓華閣華宮華殿華衣

入此道場又請一切光雲樹光雲林光雲網

光雲衣光雲蓋光雲幢光雲臺光雲樓光雲

閣光雲樂光雲香光雲池光雲水光雲山入  
此道場又請一切香雲山香雲衣香雲樹香  
雲林香雲網香雲蓋香雲幢香雲樓香雲閣  
香雲池香雲水香雲光香雲樂香雲華香雲  
臺入此道場又請一切寶雲山寶雲樹寶雲  
華寶雲果寶雲衣寶雲幢寶雲蓋寶雲網寶  
雲幡寶雲樂寶雲樓寶雲閣寶雲光明寶雲  
天寶雲供養海入此道場又請一切華雲  
山華雲林樹華雲幢蓋華雲衣服華雲羅網

華雲音樂華雲臺座入此道場又請一切天  
人變化莊嚴供養海一切聲聞變化莊嚴供  
養海一切菩薩變化莊嚴供養海一切諸佛  
變化莊嚴供養海如是等無量無邊恒沙供  
養種種莊嚴悉皆奉請入此道場供養一切  
佛舍利並真法菩薩聲聞衆受此香華雲莊  
嚴供養海為滿施主衆生願隨心變現受用  
作佛事供養已人各至心歸依合掌禮  
下接高讚云



願往生願往生願在彌陀會中<sub>ニ</sub>執香華<sub>ヲ</sub>  
常供養<sub>セ</sub>

奉請既竟即<sub>テ</sub>須<sub>ク</sub>行道七遍又<sub>レ</sub>使<sub>シ</sub>一人將<sub>テ</sub>華在<sub>ニ</sub>  
西南角立待<sub>テ</sub>行道人至<sub>ラ</sub>即<sub>テ</sub>盡行<sub>テ</sub>華<sub>ヲ</sub>或<sub>ハ</sub>行道衆<sub>ノ</sub>  
等即受<sub>テ</sub>華竟不得<sub>テ</sub>即散<sub>リ</sub>且待<sub>テ</sub>各自標<sub>シ</sub>心<sub>ヲ</sub>供養<sub>セ</sub>  
待<sub>テ</sub>行道至<sub>ラ</sub>佛前即<sub>テ</sub>隨意散<sub>シ</sub>之<sub>ヲ</sub>散竟即過<sub>テ</sub>至<sub>ラ</sub>行  
華人所更受<sub>テ</sub>華亦如<sub>シ</sub>前法<sub>ノ</sub>乃至七遍亦如是<sub>ノ</sub>  
若<sub>シ</sub>行道訖即各依<sub>テ</sub>本坐處立待<sub>テ</sub>唱<sub>テ</sub>梵聲<sub>ヲ</sub>盡<sub>ル</sub>即  
坐<sub>シ</sub>

高接<sub>テ</sub>下<sub>ラ</sub>勸衆行道即云

奉請一切香華供養已訖一切恭敬道場衆  
等各執香華如法行道

行道讚梵偈云

奉請彌陀世尊入道場散華樂

奉請釋迦如來入道場散華樂

奉請十方如來入道場散華樂

道場莊嚴極清淨  
天上人間無比量

邊現諸佛等靈等  
人天護鬼中法藏

全身碎身真舍利  
瞻仰尊顏繞七匝  
願我身淨如香爐  
念念焚燒戒定香  
慚愧釋迦大悲主  
不捨慈悲巧方便  
弘誓多門四十八  
人能念佛佛還念  
一切迴心向安樂

大眾扣華散其上  
梵響聲等皆供養  
願我心如智慧火  
供養十方三世佛  
十方恒沙諸世尊  
共讚彌陀弘誓門  
偏標念佛最為親  
專心想佛佛知人  
即見真金功德身

淨土莊嚴諸聖衆  
行者見已心歡喜  
一念乘華到佛會  
下接梵人聲立讚云

籠籠常在行人前  
終時從佛坐金蓮  
即證不退入三賢

願往生願往生道場衆等  
來巡三界輪迴六道無休  
會親承供養難思議七周  
交流願滅罪乘此善根生  
無為衆等持心就本座手  
執香華常供養

高接下讚云  
下接高讚云

願往生願往生釋迦如來初發願願捨塵勞  
修苦行念念精勤無有退不限日月及歲年  
大劫小劫僧祇劫過踰大地等微塵不惜身  
財求妙法慈悲捨願度眾生普勸歸西安養  
國逍遙快樂得三明眾等各各願身心手執  
香華常供養

高接下讚云

願往生願往生眾等齊心生渴仰懇懃頂禮

樂聞經聖人所重不過余不貪王位捨千頭  
七亦長釘遍躡入標心為物不生憂自取身  
皮寫經偈普願群生入法流千燈炎流身  
血諸天泣淚散華周感傷大士身心痛微微  
含笑願無頃仰願同聞同斷惡難逢難遇捨  
當專念念迴心生淨土畢命入彼涅槃門各  
各傾心無異想手執香華常供養

下接高讚云

願往生願往生曠劫已來居生况三途常沒

苦皆逕始服入身聞正法由如渴者得清泉  
念念思聞淨土教文文句句擔當勤憶想長  
時流浪苦專心聽法入真門淨土無生亦無  
別究竟解脫金剛身以是因緣請高座報佛  
慈恩轉法輪衆等身心皆踊躍手執香華常  
供養  
高接下讚云  
願往生願往生衆生見佛心開悟發願同生  
諸佛家住此娑婆已來久無功捨命劫塵沙

自覺心頑神識良由地獄卧銅車銅車炎  
災難居止一念之間百千死非直此中多苦  
痛一切泥犁亦如是泥犁一入過塵劫畜生  
鬼道還如此今得入身貪造罪諸佛聖教生  
非毀非毀聖教罪根深謗說良善苦常沉大  
聖雖有神通力無能相救益悲心今勸道場  
時衆等發露懺悔罪無窮衆等同心彼淨土  
手執香華常供養  
高座待下座聲盡即懺云

敬白道場諸衆等今爲施主某甲及諸衆生  
歸命十方諸佛龍宮法藏舍利真形菩薩大  
士緣覺聲聞等現在道場證明懺悔又白天  
曹地府閻天子五道太山三十六王地獄典  
領天神地神虛空神山林河海一切靈祇及  
衆賢聖等各有一天通道眼他心宿命漏盡智  
人現在道場證明弟子今日施主某甲及諸  
衆生披心懺悔弟子道場衆等内外亦許多  
人自從過去盡過去際現在際未來際身口

意業行住坐卧於一切三寶師僧父母六親  
眷屬善知識法界衆生上具造一切惡常起  
一切惡相續起一切惡方便起一切惡障業  
障報障煩惱等障生死罪障不得見聞佛法  
僧障弟子衆等自從曠劫已來乃至今身至  
今日於其中間作如是等罪樂行多作無量  
無邊能令我等墮於地獄無有出期是故經  
言阿鼻地獄十八寒水地獄十八黑闇地獄  
十八小熱地獄十八刀輪地獄十八劍輪地

轉讀上

初六

獄十八、火車地獄十八、沸屎地獄十八、鑊湯地獄十八、灰河地獄五百億、刀林地獄五百億、劍林地獄五百億、刺林地獄五百億、銅柱地獄五百億、鐵鐵地獄五百億、鐵網地獄十八、鐵窟地獄十八、鐵凡地獄十八、火石地獄十八、飲銅地獄如是等、衆多地獄、佛言、阿鼻地獄縱廣正等八万由旬、七重鐵城、七層鐵網、下十八隔、周市七重、皆是刀林、七重城內復有劍林、下十八隔、有八万四千重於其四

角有大銅狗、其身廣長四十由旬、眼如掣電、牙如劍樹、齒如刀山、舌如鐵刺、一切身毛皆出猛火、其烟臭惡、世間臭物無以可譬、有十八獄、率頭如羅刹、頭口如夜叉、口六十四、眼散迸鐵丸、如十里車、鉤牙上出高四由旬、牙頭火流、燒前鐵車、令鐵車輪一一輪、朝化為一億、火刀鋒刃、劍戟皆從火出、如是流火燒阿鼻城、令阿鼻城赤如融銅、獄率頭上有八牛頭、一一牛頭有十八角、一一角頭皆出

火聚火聚復化成二十八朝火朝復變作火刀  
輪如車輪許輪輪相次在火炎間滿阿鼻城  
銅狗張口吐舌在地舌如鐵刺舌出之時此  
無量舌滿阿鼻城七重城內有四鐵幢幢頭  
火流如沸涌泉其鐵流迸滿阿鼻城阿鼻四  
門於門闥上有八十釜沸銅涌出從門漫流  
滿阿鼻城一一隔間有八万四千鐵蟒大蛇  
吐毒吐火身滿城內其地哮吼如天震雷雨  
火鐵丸滿阿鼻城此城苦事八万億千苦中

苦者集在此城五百億虫虫八万四千紫紫  
頭火流如雨而下滿阿鼻城此虫不時阿鼻  
猛火其炎大熾赤光火炎照八万四千由旬  
從阿鼻地獄上衝大海沃焦山下大海水滌  
如車軸許成大鐵炎滿阿鼻城佛言若有眾  
生殺害三寶偷劫三寶行染三寶欺誑三寶  
謗毀三寶破壞三寶煞害父母偷劫父母  
染父母欺誑父母謗毀父母破壞父母罵辱  
六親作如是等殺逆罪者命終之時銅狗張

白化十八車狀如金車寶蓋在上一切火炎  
 化為玉六罪人遙見心生歡喜我欲往中我  
 欲往中風刀解時寒急失聲寧得好火在意  
 上坐然火自爆作是念已即便命終揮霍之  
 間已坐金車願瞻玉女皆捉鐵斧斬截其身  
 身下火起如旋火輪譬如壯士屈伸臂頃直  
 落阿鼻大地獄中從於上隔如旋火輪至下  
 隔際身遍隔內銅狗大吼齧骨咬髓獄卒羅  
 刹捉大鐵叉叉頸令起遍躡火炎滿阿鼻城

鐵網兩刀從毛孔入化閻羅王大聲告劫盡  
 人獄種汝在世時不孝父母邪慢無道汝今  
 生處名阿鼻獄汝不知恩無有慚愧受此苦  
 惱為樂不耶作是語已即滅不現今時獄率  
 復駭罪人從於下隔乃至上隔經歷八万四  
 千隔中擇身而過至鐵網際一日一夜當此  
 閻浮提日月歲數六十小劫如是壽命盡  
 大劫五逆罪人無慚無愧造作五逆罪故臨  
 命終時十八風刀如鐵火車解截其身以熱



遍故便作是言得好色華清涼大樹於下游  
 戲不亦樂乎作此念時阿鼻地獄八万四千  
 諸惡劍林化作寶樹華菓茂盛行列在前  
 熱火炎化為蓮華在彼樹下罪人見已我所  
 願者今已得果作是語時疾於暴雨坐蓮華  
 上坐已頃臾鐵嘴諸虫從火華起穿骨入髓  
 徹心穿腦攀樹而上一切劍枝削尖徹骨無  
 量乃林當上而下火車爐炭十八苦事一時  
 來迎此相現時陷墜地下從下隔上身如華

敷遍滿下隔從下隔起火炎猛熾至於上隔  
 至上隔已身滿其中熱惱急故張眼吐舌此  
 人罪故万億融銅百千乃輪從空中下頭入  
 足出一切苦事過於上說百千万倍具五逆  
 者其人受苦足滿五劫弟子道場衆等自從  
 元身已來乃至今身至於今日於其中間放  
 縱三業作如是等罪樂行多作無量無邊  
 聞佛說阿鼻地獄心驚毛豎怖懼無量慚愧  
 無量今對道場凡聖發露懺悔願罪消滅永

盡無餘懺悔已至心歸命禮阿彌陀佛

下接高讚云

懺悔已至心歸命禮阿彌陀佛

高接下懺云

弟子道場衆等自從曠劫已來乃至今身至

於今日於其中間放縱身口意業造一切罪

或破五戒八戒十戒三歸戒四不壞信戒三

業戒十無盡殺聲聞戒大乘戒及一切威儀

戒四重八戒等盡食信施誹謗邪見不識因

果斷學彼若毀十方佛偷僧祇物姦嫉無道

遍掠淨戒諸比丘尼姊妹親戚不知慚愧毀

辱所親造衆惡事或樂行十惡不修十善障

樂行八苦不持八戒障樂行三毒不受三歸

障樂行五逆不持五戒障樂行地獄極苦業

不修淨土極樂障樂行畜生愚癡業不修智

惠慈悲障樂行慳貪賊鬼嫉妬業不行布施

利他障樂行諂曲虛詐修羅業不行真實言

信不相違障樂行嗔惱殺害毒龍業不行歡

喜慈心障樂行我慢自大下賤不自在業不  
 行謙下敬上尊貴障樂行邪見破戒破見惡  
 見謂修善無福造惡無殃外道闡提業不行  
 正見禁行出世往生淨土障樂行破滅三寶  
 壞人善事思鬼業不行護惜三寶成人功德  
 具足障樂受三界人天長時縛繫業不貪淨  
 夫無生解脫障樂受二乘狹劣業不行菩薩  
 廣大慈悲障樂行親近惡友業不樂親近諸  
 佛菩薩善知識障樂行六貪六弊業不行六

度四攝障樂行不識因果舛突業不知身中  
 有如來佛性障樂行貪嗔一切眾生酒肉五  
 辛多病短命業不行慈心樂聞佛法備香華  
 供養障如是障罪自作教他見作隨喜若故  
 作悞作戲笑作瞋嫌作違順愛憎作無量無  
 邊思量不可盡不可盡說不可說亦如大地  
 微塵無數虛空無邊法界無邊法性無邊  
 便無邊淺及眾生造罪亦復如是如是等罪  
 上至諸菩薩下至聲聞緣覺所不能知唯佛

與佛乃能知我罪之多少。地獄經云：若有衆生作是罪者，臨命終時，風刀解身，偃卧不定，如被焚燒，其心荒越，發狂癡想，見已室宅，男女大小一切皆是不淨之物，屎尿臭處盈流于外。尔時罪人即作是語云：何此處無好城郭及好山林，使吾遊戲，乃處如此不淨物間。作是語已，獄卒羅刹以大鐵叉擊阿鼻獄及諸刀林，化作寶樹及清凉池，火炎化作金葉蓮華，諸鐵嘴虫化為鳧鴈，地獄痛聲如歌詠。

音罪人聞已如此好處，吾當遊中，念已尋時坐火蓮華，諸鐵嘴虫從身毛孔噴食其軀，百千鐵輪從頂上入，恒沙鐵叉挑其眼精，地獄銅狗化作百億鐵狗，競分其身，取心而食，俄爾之間身如鐵莖，滿十八隔中，一一華葉八万四千，一一葉頭身支節在一隔間，地獄不天，此身不小，遍滿如此大地獄中，此等罪人隨此地獄，經歷八万四千大劫，此泥犁滅復入東方十八隔中，如前受苦，此阿鼻獄南。

亦十八隔西亦十八隔北亦十八隔謗友等  
 經具五逆罪破壞僧祇汚比丘尼斷諸善根  
 如此罪人具眾罪者身滿阿鼻獄四支復滿  
 十八隔中此阿鼻獄但燒如此獄種衆生劫  
 欲盡時東門即開見東門外清泉流水華菓  
 林樹一切俱現是諸罪人從下隔見眼火暫  
 歇從下隔起婉轉腹行揖身上走到上隔中  
 手攀刀輪時虛空中雨熱鐵丸走趨東門既  
 至門闔獄率羅刹手捉鐵又逆刺其眼鐵狗

齧心悶絕而死死已復生見南門開如前不  
 異如是西門北門亦皆如此如此時間經歷  
 半劫阿鼻獄死生寒冰中寒冰獄死生黑闇  
 處八千万歲日無所見受大地身婉轉腹行  
 諸情闇塞無所解知百千狐狼牽掣食之命  
 終之後生畜生中五千万身受鳥獸形還生  
 人中聾盲瘖瘂疥癩癰疽貧窮下賤一切諸  
 衰以為嚴飭受此賤身經五百身後還得生  
 餓鬼之中如是等輪迴三惡無量無邊弟子

衆等今聞地獄心驚毛豎怖懼無量恐畏殘  
殃不盡復還流浪今生已來縱暴三業造衆  
重罪若不懺悔定招此苦無有出期今對三  
寶道場大衆前發露懺悔即安樂知而不敢  
覆藏唯願十方三寶法界衆生發大慈悲廣  
大慈悲不計我惡如草覆地布施歡喜受我  
懺悔憶我清淨唯願不捨慈悲攝護我等已  
作之罪願除滅未起之罪願不生已作之善  
願增長未作之善方便今生願從今日乃至

不起惡已來誓共衆生捨邪歸正發菩提心  
慈心相向佛眼相看菩提眷屬真善知識同  
生淨土乃至成佛如是等罪永斷相續更不  
敢覆藏發願已至心歸命阿彌陀佛  
下接高讚云


願往生願往生願在彌陀佛前立手執香華  
常供養

高接下讚去

願往生願往生願在彌陀會中坐手執香華

常供養

西方淨土法事讚卷上



事讚

卷上

